



МЕСЯЦА ФЕВРАЛЯ В 18-Й ДЕНЬ

Иже во святых отца нашего Льва,
Папы Римского

На Господи, возвах: **стихиры, глас 8.**

Подобен: **Что** вы наречем:

В то ты именуем, Богодохновенне? / главу ли православныя Церкви Христовы / око ли благочестия, / зрети явленно сердцем разум духовный, / всем источающий концем слово жизни, / Богоначертанный свиток веры правыя? / Моли спастися душам нашим.

Что ты ныне пронарекү, чудне? / проповедника ли истины и основание твердо? / старейшину верховнаго собора честнаго, / правило учений известно / и мерило имуще исправление, / Несториево разделение и Евтихиево слияние отсекающа / Богоплетенными явленными.

Что ты ныне нарекү, дивне? / начальника ли и царя телесных страстей, / душевное владычество направляюща светло? / Божественнаго милования сосуд, / любви совершенныя жилище? / человеколюбезна согрешающим, обращения ожидающа? / Моли спастися душам нашим.

Слава, и ныне, Богородичен.

Подобен тойже:

Кому уподобилася еси, окаянная душе, / к покаянию никакоже возникущи / и огня не ужасающися, злых ожидающаго? / Востани, и едину к заступлению скорую призови, и возопий: / Дево Мати, / моли Твоего Сына и Бога нашего / избавити мя от сети льстиваго.

Крестобогорóдичен.

Подóбен тойже:

Агница Агница я́ко ви́де, / на Дре́ве просте́рта
во́лею Крестне́м, / вопия́ше ма́терски и боле́зну-
ющи с пла́чем: / Сы́не Мой, что́ странное́ сие́
виде́ние? / всем живо́т да́й я́ко Госпо́дь, / ка́ко
умерщвля́ешься, Долготерпели́ве, / земны́м пода́й
воскресе́ние? / Сла́влю Твое́ мно́гое, Бо́же мой,
снизхожде́ние.

Тропа́рь, глас 8:

Правосла́вия наста́вниче, / благоче́стия учите́-
лю и чистоты́, / вселенны́я свети́льниче, архи-
ере́ев Богодухнове́нное удобре́ние, / Льве премуд-
ре, / уче́ными тво́ими вся просвети́л еси́, цевни́це
духовна́я. / Моли́ Христа́ Бо́га спасти́ся душа́м
на́шим.

Кано́н, егóже краегранеси́е: Всему́дрому Льву
песни́ плету́. **Творе́ние Феофа́ново. Глас 8.**

Песнь 1

Ирмо́с: Пои́м Го́сподеви, / провед́шему лю́ди
Сво́я сквозе́ Чермно́е мо́ре, / я́ко Еди́н сла́вно
просла́вился.

Свяще́нства пома́занием, всеблаже́нне, удоб-
ре́н, / украси́л еси́ сие́ добродете́льными ви́ды,
пребога́те.

Якоже зрел грозд, о́тче, изгнел еси́ ра́зум, /
весели́я крати́р, треблаже́нне, премудрости́ твое́й
всем предложи́л еси́.

Петра́ верхо́внаго престо́ла насле́дник был еси́, /
того́ имéя нрав и ре́вность, Богому́дре, ве́ры.

Богорóдичен: Зако́на преступле́нием осужде́на
первозда́ннаго, / Спа́са ро́ждши, Богома́ти Чы́стая,
свободи́ла еси́.

Песнь 3

Ирмо́с: Небе́снаго кру́га Верхотво́рче, Го́споди, /
и Це́ркве Зижди́телю, / Ты мене́ утверди́ в любви́
Твое́й, / желаний́ кра́ю, ве́рных утвержде́ние, /
Еди́не Человеколю́бче.

Сто́лп правосла́вия Христо́вы Це́ркве, всему́дре
Льве, усер́дно нося́, возста́вил еси́, / егóже держа́-
щи, еретико́в безбо́жныя разруша́ет полки́ и
собори́ща.

Небе́сныя и Божество́нныя насы́тятся благода́-

ти, / церковныя догматы, отче, предложил еси, / со всеми борбуя еретическими языкоблудии, / благочестия поборниче, Льве пребогате.

Свѣтом пресветлѣйшим озарився, преподобне, / неизглаголаннаго и Божественнаго вочеловечения, / Слово уяснил еси, / сугубо, рек, существо и сугубо действо воплощагося Бога.

Богородичен: Украсилася еси, яко невеста, девственными добротами, / обрадованная Дево Мати Невестная, / всякия бо твари Ты превознеслася еси множае, / яко всех виновное Слово рождающая.

Седален, глас 3.

Подобен: Божественныя веры:

Уставил еси дерзновения, / дела уверил еси православия, / яко упова, яко лев, праведный; / истины проповедаеши учения / и обличаеши прелести сокровения, / отче преподобне, Христа Бога моли / даровати нам велию милость.

Слава, и ныне, Богородичен:

Божественнаго естества не отлучься, / плоть быв во чреве Твоем, / но Бог вочеловечься и пребысть, / иже по Рождестве Матерь Тя Деву, / яко прежде Рождества, сохранив Всенепорочну, Един Господь, / Того прилежно моли даровати нам велию милость.

Крестобогородичен:

Нескверная Агница, / Слова нетленная Дева Мати, / на Кресте зрящи повешена, из Нея без болезни прозябшаго, / матерски подобно, рыдающе, вопиаше: / увы Мне, Чадо Моё, / како страждеши волею, / хотя избавити от страстей безчестия человека?

Песнь 4

Ирмос: Из горы приосененныя, Слове, пророк, / Единыя Богородицы, / хотяща воплотитися Боговидно усмотри / и со страхом славословяше силу Твою.

Лев ты яко истинно, преблаженне, явился еси, / смущающия лисы отгоня, царским рыканием ужасая нечестивых умышления.

Скрыл еси приложением твоих догматов богומרзких ересей следы, / сокровенную истину взыскав, священнотайничне всечестне.

Утро от за́пада возсия́л еси́, **т**реблаже́нне, /
сви́ток благочестивых догма́тов, / **я**ко лучи́,
Це́ркве, Богому́дре, испуща́я и озаря́я ду́ши на́ша.

Богородичен: Умертви́ стремле́ния, Де́во, стра-
сте́й мои́х, / уста́ви, Благая́, молву́ прегрешений, /
грехо́вную бу́рю Твоею́ тишино́ю, Богороди́тель-
нице, потребля́ющи.

Песнь 5

Ирмо́с: Вску́ю мя отрину́л еси́ / от лица́ Твоего́,
Свѣте Незаходимый, / и покрыва́ мя естѣ чужда́я
тьма, окаяннаго? / но обрати́ мя и к свѣту за́пове-
дей Твои́х / пути́ моя́ напра́ви, молю́ся.

Сугубо́му дѣйству проповѣдник был еси́ Спа́са
Христа́: / дѣйствовати бо, рекл еси́, в ко́емждо
естествѣ, якоже имяше, / со обоим слежа́щим
общением, святителю Богому́дре блаже́нне.

Равномощно́ сущо́ Ро́ждшему Сло́во позна́л еси́, /
якоже плоть Сего́ бѣвша, **т**реблаже́нне, уверил
еси́, / прилично, рекл еси́, плотская́ сво́йства
дѣяти, / неслитно непревратно обо́я.

Богородичен: **Е**же пре́жде всех век, Еди́ному
вѣдомо́ Бо́гу таинство / челове́ка бѣти вся́ческих
Влады́ку и Го́спода / и с плоти́ю смеситися кроме́
преложѣния, из Тебе́, Де́во, явися, прехождѣние
приѣм.

Песнь 6

Ирмо́с: Моли́тву пролию́ ко Го́споду / и То́му
возвещу́ печа́ли моя́, / яко зол ду́ша моя́
исполнися / и живо́т мой а́ду приближися, / и
молю́ся, яко Ио́на: / от тли, Бо́же, возведи́ мя.

Петра́ честна́го преѣмник, и сего́ нача́льством
обога́тився, / и теплу́ стяжав ре́вность, Богодвѣ-
жимый сви́ток написа́л еси́, / еретическое велѣние
отмета́я смущѣнное, растворе́ние несме́сно соеди-
ня́я.

Сы́на Еди́наго, Христа́ и Го́спода, пре́жде век от
Отца́ рождѣна, / и нас ра́ди от Де́вы ро́ждшагося, и
явльшася нам Едино́сущна, проповѣдал еси́ пре-
естѣственно, / служителю неизглаго́ланных, Бого-
приятне.

Богородичен: **Т**я, Всечы́стая, спасѣния Ходата-
ицу, вѣрнии, исповѣдающе, вопиѣм: / ра́дуйся,
Чы́стая, / ра́дуйся, Невѣсто Де́во, / ра́дуйся, горó

Божия присенная, / міру бо Ты радость присно-
сущную источила еси.

Кондак, глас 3.

Подобен: Дева днесь:

На престоле, славне, священства сед / и львов
уста словесных заградив, / догматы Богодух-
новенными Честныя Троицы озарил еси свет
Богоразумия твоему стаду. / Сего ради прославил-
ся еси / яко Божественный тайник Божия благо-
дати.

Икос:

Отца, и Сына, и Духа Святаго / Трисолнечный
Свет, / Трисвятую Силу, / Божество Единое и Единое
Существо, / Сию проповедав, уста льстивая до
конца заградил еси еретичествующих, / Льве Бого-
мудре. / Темже Чистую Богородительницу яко
Богородицу исповедав, / Несториево безумие и
буесловие низложил еси, / сего ради познался еси
в мире и в Риме / яко Божественный тайник
Божия благодати.

Песнь 7

Ирмос: Отроцы еврейстии в пещи / попраша
пламень дерзновенно / и на росу огонь преложивша,
вопиюще: / благословен еси, Господи Боже, во
веки.

Сна не дал еси веждома, / дондеже из корене
исторгл еси леств Евтиха обезумившагося, зо-
вий: / благословен еси, Господи Боже, во веки.

Едину Ипостась во двою существу, Христа
исповедав, / действующа сугубо и хотяща, ныне
поеши: / благословен еси, Господи Боже, во веки.

Богородичен: Ныне к Тебе прибегаю, Богомати, /
прегрешений пленницами стягнут, за милосердие
милости избави мя, вопиюще: / благословен, Пре-
чистая, Плод Твоего чрева.

Песнь 8

Ирмос: Седмерицею пещь / халдейский
мучитель / Богочестивым неистовно разжже, / си-
лою же лучшею спасены, сия виде, / Творцу и
Избавителю вопияше: / отроцы, благословите, /
священницы, воспойте, / людие, превозносите во
вся веки.

Всесвѣтел, яко солнце, от запада возсиял еси, чудо, Богоглаголиве, яве преславно, / смешение и слияние Евтихиево изсушив яве и Несториево разделение пресекая, / уча Единого чествовати Христа во двою существу / нераздельно, непрервратно, неслиянно.

От Бога двѣжим, благочестия учения, / яко на Богочертанных скрижалех вообразил еси, / якоже Моисей вторый, явився Божественным людем / и собору честных учителей, зовый: / отроцы, благословите, священницы, воспойте, / людие, превозносите во вся веки.

Воплощеннаго, преподобне, прежде безплотнаго, познал еси, / Слова Отца Единороднаго и Собоначальнаго, в лето безлетнаго, / описана убо плотию, яко Творца же описания не ведуща, учиши, взывая: / священнии, воспойте, людие, и превозносите Его во веки.

Богородичен: Обложением телесе обложися, Пречистая, от Твоих кровей, / светил добротами, солнцем и луною небо просветивый Бог, / одушевленное Тя другое Небо показав, / Егоже отроцы благословят, священницы воспевают, / людие превозносят во вся веки.

Песнь 9

Ирмос: Устрашися всяк слух / неизреченна Божия снизхождения, / яко Вышний волею сниде даже и до плоти, / от Девическаго чрева быв Человек. / Темже Пречистую Богородицу, вернии, величаем.

Сияеши ныне, тайнниче Христов, благолепия венцем украшен / и, яко верен святитель, правдою войстинну одеялся еси / и, в рай сладости ликуя, чудне, / о пастве твоей Владыку прилежно умоли.

Идеже ныне патриархов председания же, и престолы, и чини, / Льве всеблаженне, ты достоин, отче, вселился еси, / яко патриарх истинен, и верою и благодатию осияемь. / Темже вси тя присно блажим.

От бури житейския отступив, ко Христу пришел еси, / Льве всеизряднейше, / на месте злачнем почивая, / идеже поток сладости, и Свет Невечер-

ний, / и несказанное веселие, и радость пребывающая.

Богородичен: Зрелу пожинаю жизнь, невредиму древом разума: / Ты бо, Всенепорочная, жизни древо — Христа процвела еси, / входы жизни всем сказавши. / Тем Тя, Всечистая, Богородицу, вернии, величаем.

Светилен.

Подобен: Небо звездами:

Святителей слава и верных защитник, / ты явился еси, Богомудре отче, и столп добродетелей. / Темже поминай всегда воспевающая тя любовью.

Богородичен: Тя Предстательницу вси имущи грешнии, о Пресвятая Дево! / Ты благопреминительна нам сотвори Сына Твоего / Матерними Твоими молитвами.

Святитель Лев I, Великий, папа Римский (†461), родился в Италии в христианской благочестивой семье. Отца его звали Квинтианом. Святитель Лев получил прекрасное воспитание и светское образование. Но, стремясь к духовной жизни, предпочел миру служение Церкви и стал архидиаконом при святом папе Сиксте III (432—440). По смерти последнего святитель Лев за чистоту и целомудрие своей жизни был единодушно избран в сентябре 440 года первосвященником Римской Церкви. Это было трудное время, когда еретики осаждали твердыню Православия своими соблазнительными лжеучениями. В святителе Льве пастырская мягкость и доброта соединялись с несокрушимой твердостью в вопросах вероисповедания. Ему дано было Господом стать защитником Православия против ереси Евтихия и Диоскора, учивших об одном естестве в Господе нашем Иисусе Христе, и ереси Нестория. Узнав об еретическом «разбойничьем» соборе в Ефесе (449), во время которого пострадал святой Патриарх Царьградский Флавиан (память 19 февраля), святитель Лев обращался с посланиями к императорам Феодосию II (408—450) и Маркиану (450—451) о созыве IV Вселенского Собора для осуждения



ереси монофизитов. Собор этот состоялся в Халкидоне в 451 году. На нем присутствовало 630 епископов и происходили прения, во время которых (на Соборе) было оглашено послание святителя Льва I к тогда уже почив-

шему святителю Флавиану о двух естествах Господа нашего Иисуса Христа. По преданию, написав послание, святитель Лев положил его в гробницу святого первоверховного апостола Петра и обратился к нему со словами: «Если я, как человек, в чем-то согрубил и не достиг, то ты, кому Самим Господом нашим поручен Престол сей и Церковь,—помоги и исправи». По истечении сорока дней, проведенных святителем Львом в молитве и посте, к нему явился святой апостол Петр и сказал: «Прочел и исправи». Святитель Лев поспешил к гробнице и нашел в ней свое послание с исправлениями, сделанными апостольской рукой. По прочтении на IV Вселенском Соборе этого послания все присутствовавшие там епископы согласно воскликнули: «Это вера отеческая! Все так веруем! Петр через Льва так вещает! Анафема тому, кто так не верует!.. Почему это не было читано в Ефесе? Это Диоскор скрыл!».

После этого еретики Евтихий и Диоскор были осуждены и отлучены от Церкви, а послание святителя Льва вошло в основу Православного учения о Церкви.

Святитель Лев был также и защитником своего отечества. Как добрый пастырь, он был готов положить душу за овец своих. Когда в Италию вторгся предводитель гуннов Аттила со своими войсками, огнем и мечом опустошавший другие страны, святитель Лев со слезами просил Господа и апостолов Петра и Павла помочь

своей пастве. Одетый в полное архиерейское облачение, он сам пошел к Аттиле и обратился к нему со словами увещания. Светлый облик святителя и его кроткие слова привели жестокого воина в ужас и трепет, он внял увещанию святителя Льва и покинул Италию. На вопросы приближенных, почему он убоился вышедшего к нему безоружного человека, Аттила рассказал, что увидел рядом с вошедшим к нему святителем Львом двух мужей с мечами, угрожавших ему в случае, если он не покорится. То были святые покровители Рима — первоверховные апостолы Петр и Павел. Когда в 455 году предводитель вандалов Гензех вторгся в Рим, святитель Лев сумел убедить его не предавать город разрушению, не жечь зданий и не проливать крови.

Святитель Лев дожил до глубокой старости. Он заранее знал о своей смерти и приготовил себя теплой молитвой и добрыми делами к переходу из этого мира в вечность. Он умер в 461 году и был погребен в Риме, в Ватиканском соборе. Его литературное и богословское наследие состоит из 96 проповедей и 143 посланий, из которых самое знаменитое — послание к Святителю Флавиану. На русском языке оно издано в книге «Деяния Вселенских Соборов» (Казань, 1908). Проповеди святителя Льва, Папы Римского, были изданы в «Воскресном чтении» за 1849, 1854, 1857—1860 годы и в «Прибавлении к Церковным ведомостям» за 1899, 1901 годы.



**Преподобнаго отца нашего Космы игумена,
иже на Яхрени реце**

НА МАЛОЙ ВЕЧЕРНИ

На Господи, возвах: стихиры, глас 1:



Подобен: Прехвальный мученицы:

ия, преподобне отче Космо, / яже Божественный апостол Павел / до третияго Небесе восхищенный виде написа, / око не виде, и ухо не слыша, / и на сердце человеку плотяну не въздоша, / яже уготова Бог любящим Его, / слышав, крепко во уме себе приял еси / и, таи присно помня, монашествовати возлюбил еси, / в неже усердно облекийся, / непрестанно Трипостасному Божеству Херувимскую песнь, радуясь, воспевал еси: / аллилуия, аллилуия, аллилуия, слава Тебе, Боже.

Моя благодарственные хвалы,— / блаженне, вину вопиял еси,— / Владыко Господи Вседержителю, прими: / Ты бо еси мой и всея твари Создатель, / ибо и аз пречистою Твоею рукою сотворение / и образ и подобие Твоея Божественныя славы ношу, / но снѣдию древа суетно прельстився, / праведно райския доброты изпадох, / и во удоль сию плачевную вселен бых, / от неяже к Тебе, Избавителю мой, возвед мя, / в Небесных селениях серафимски пѣти учини: / аллилуия, аллилуия, аллилуия, слава Тебе, Боже.

Новыя Небесныя пресветлыя обители / восприѣша ты новаго гражданина, / в нихже, радуясь, со Ангелы, живѣши, / со апостолы, и пророки, и святители ликуя, / и мученики и преподобными светло торжествуя, / с веселием Присносущней Троице предстоиши; / Юже усердно моли, прилежно молим тя, отче! / низпослати Церквам православленное соединѣние / и премирное спасение, Богословне поюще Ей: / Свят, Свят, Свят еси, Боже.

Слава, глас 3:

**Песни Богогласныя приносим Тебе, Христе—
Слове Безначальнаго Ума, / и Сыне Единородный**

и Соприсносущный Превечнаго Отца, / яко тако благоволил еси за ны смиритися, / зрак раба восприял еси, Боже, от Пречистой и Приснодевы Марии, / и от Духа Святаго воплощся, / Крест, и смерть, и погребение плотию за грехи наша претерпел еси, / и воскресл еси славно яко Бог, / человека возводя в первородное блаженство, / егоже огнепально желая твой рачитель, / наш добрый пастырь и премудрый учитель, / священнейший отец, общежительный начальник преподобный Косма, / усердно во след Тебе — Жениха Небеснаго потече, / верую, любовь и надежду, / бдением же, купно и постом и молитвами, / имиже, яко Небопярнейший орел, / Ангельское на земли житие совершив, / в Небесный Сион возлетел / и в Горнем Иерусалиме водворися, / преславно же наслаждаяся Божественныя Твоя славы, / егоже молитвами молим Тя, Иисусе, Царю, / умири мир и Православие утверди, / и Небеснаго Твоего Царствия сподоби нас.

И ныне, Богородичен, глас тойже:

Превелие чудо — Дева рождающая / и рожденное Бог прежде век. / О, таинства страшнаго! / Еже мыслимое неизреченно пребывает / и зримое не поемлется, / блаженна Ты еси, Пречистая Отроковице. / Адама земнаго Дщи / и Бога Вышняго являющаяся Мати, / Того моли спастися душам нашим.

На стиховне стихиры, глас 2.

Подобен: Дóме Евфрафов:

Приими пение чад твоих, / Космо, преподобне отче наш, / и подаждь нам крепость и силу / на невидимыя и видимыя враги наша, / молебными твоими ко Христу ходатайствы.

Стих: Честна пред Господем / смерть преподобных Его.

Отче предивный и Богоблаженный Космо, / ты на земли Ангельски пожил еси, / и на Небесех, яко человек Божий, водворился еси. / Помяни и нас, совершающих память твою, / и усердно поющих тя, целebниче.

Стих: Блажен муж, бойся Господа, / в заповедех Его восхощет зело.

Космо́, свяще́нный о́тче наш, / моли́ Христа́ Бога
о всех нас, / притека́ющих с верою к ра́це честней
чудотво́рных и целе́бных мо́щей твоих, / и усер́дно
пою́щих тя, / и прося́щих исцеления́ и спасения́
душе́внаго и телеснаго.

Слава, глас 5:

Преблаже́нный ра́бе Божий / и верный слуго́
Госпо́день, / присный и любезный ты показáлся
еси, / Ангел земный и человек Небесный, / ты,
да́нная тебе от Господа таланты усер́дно де́лая, /
духо́вною ре́вностию многобога́тно расплоди́л
еси, / и красноцвету́щая добродетелей плоды воз-
расти́л еси, / и вёсело, засия́, в ра́дость Влады́ки
своего вшел еси, / преподо́бием и правдою солнце-
обра́зно сияя, / сла́вою непристу́пнаго Божества́
Его озаряем, / и венец от десни́цы Вы́шняго
восприя́л еси, / Егоже непреста́нно со всеми свя-
ты́ми моли́, / правосла́вному во́инству победитель-
ная на ва́рвары дарова́ти / и всех христиа́н в мире
и тишине и благоде́нствии утверди́ти / и спасти́
души наша по вели́цей Его ми́лости.

И ны́не, глас тойже:

Яже о Тебе проро́чества исполни́шася, Де́во
Чистая, / ов убо от проро́к дверь Тя прорече́ на
восто́к зря́щую, / юже никто́же про́йде, / то́чию
Зижди́тель Твой и всего́ мира; / ов купину́ огнём
жего́му, / яко в Тебе обита́ огонь Божества́, и не
опали́ма пребы́сть; / ин горю́ святу́ю, / от нея́же
ка́мень краеуго́льный кроме́ руки́ челове́чския
отсече́ся, / и порази́ образ мы́сленнаго Навуходо-
но́сора: / воистинну ве́лие и пресла́вное, еже в
Тебе та́инство есть, Богома́ти, / темже Тя сла́вим, /
Тобою бо бысть спасение́ душам на́шим.

НА ВЕЛИЦЕЙ ВЕЧЕРНИ

На Го́споди, возвах: стихи́ры, глас 1.

Подобен: Прехва́льнии му́ченицы:

**О́тче Космо́ пречу́дный, / твоя прекра́сная па-
мять свяще́нных собра́ние веселит, / до́бре твое
жити́е и чудес́ благода́ть, / иже верных совокупле́-
ния облистава́ет дарова́ний светлостью́ми: / Христа́
моли́ся дарова́ти душам на́шим / мир и ве́лию
ми́лость.**

Отче Космо́ пречудный, / вре́менных презря́ и до́льных, Богомудре, / вы́сокая пребыва́ющая возлюбил еси, / сме́ртное попече́ние в се́рдце стяжал еси, / Христу́ моли́ся дарова́ти душа́м нашим / мир и ве́лию милость.

Отче Космо́ премирный, / до́брыми доблесты́ми возше́д на колесни́цу добродетелей, / к Богу восте́кл еси, / победны́я по́чести прие́мляй, / яко́ мило́ть нам те́ло твое, положи́нно во гробе́, отче, / оста́вил еси исто́чати исцеле́ния, / Христу́ моли́ся дарова́ти душа́м нашим / мир и ве́лию милость.

Слава, глас 6:

Днесъ созыва́ет нас преподо́бнаго всемирное торжествó: / приидите́ убо, празднолю́бцы, / све́тло пра́зднуем память́ его, глаго́люще: / ра́дуйся, свети́льниче всесве́тлый; / возводя́ ко Христу́ инок мно́жества; / радуйся, по́стником похвало́ и удобре́ние; / радуйся, преименито́му гра́ду Влади́миру и всем верным / благоути́шное приста́нище и очище́ние боля́щим во гресех; / радуйся, Небе́сных чи́нов сия́ния ви́дети сподо́бивыйся, / с ними́ же ны́не ра́дуешися, во сла́ве предсто́я Христу́ Богу, / Его́же моли́ по́стников удобре́ние, / Космо́ отче всемирный, / изба́вити нас ви́димых и неви́димых враг / и спасти́ души́ наша.

И ны́не, Богородичен: Кто Тебе не ублажи́т: Вход. Прокі́мен дне. И чтéния три преподо́бническая (зри́ страницы 339—340)

На литий стихиры, глас 5:

Преподо́бне отче Космо́, / не дал еси сна твоима очі́ма, / ни ве́ждама дрема́ния, / донде́же душу́ и тело́ от страсте́й свободил еси, / и жили́ще Богу соде́лал еси, / прише́д бо Христос со Отце́м, обите́ль в тебе сотвори́, / отню́дуже благода́ть прие́м, преподо́бне Космо́, / моли́ Единосу́щную Трои́цу о душа́х на́ших.

Глас 6:

И́же на земли́ А́нгела, / и на Небеси́ челове́ка Божия, / міру благо́е украше́ние, / пи́щу благі́м и добродетельных рачі́теля, / по́стников похвалу́, / Косму́ почтї́м: / насажде́н бо в до́му Бо́жии, / и процветé пра́ведно, / и яко́ кедр в пусты́не, /

умножил еси стадо Христо́во словесных овец / во преподобии и правде.

Глас 8:

Преподобне отче Космо́, / ты мирское попечение и пристрастие / от юности возненавидел еси / и от Небеснаго тя осияния / глас свѣше услышати сподобился еси, / вкупе же и явления от высоты чудесныя иконы, / славнаго Успения Пречистыя Богородицы, / юже тогда яко многоценный тебе от Бога дар, / умиленным духом и радостотворным плачем на рѹце, отче, приим, / усердно последовал еси Звавшему тя с Небесѣ / и внезапно Божиим мановением обрелся еси на месте в велицей Лавре Печерской, / идеже монашествовати восприим, / паки по мнозех трудѣх и преспѣяниих / чудною Божиею силою на оное же место / от Кіева восхищен и предпоставлен быв, / обитель создал еси, / бдением же, и постом, и молитвами, / яко некоею лѣстницею, на Небо возшел еси, / и тамо с лики преподобных / предстоиши у Престола всех Царя Христа́ Бога, / темже молим тя, / молися Христу́ Богу нашему, / умирѣти мир и спасти́ души наша.

Глас 5:

Преподобне отче, / ты возшед на высоту добродѣтели, / яко крин Давидский, в удолиих процвел еси, / и яко кедр в Ливане собрал еси чада своя, / и яко горлица пустыню возлюбил еси, / и мирское пристрастие от себе отвергл еси, / и многоценнаго бисера Христа́ приобрел, / и Царство Небесное достигл еси, / и тамо с лики преподобных / предстоя́ Христу́ Богу радуешься: / тем молим тя, преподобне, / молися о чадах твоих Христу́ Богу нашему, / и мірови подати мир, / и избавити нас вѣчнаго мучения в день Судный.

Глас 8:

Преподобне отче, / ты возшел еси, яко некоею высоковосходною лѣстницею, на Небо, / и тамо с лики преподобных сочетався / предстоиши Христу́ всех Царю Богу нашему, / и от Него приим дар чудес действо, / исцеляти недужныя и прогоняти дѹхи лукавыя, / ибо и души приходящих с верою к раце мощей твоих, / исцеления приѣмлют; / помоли-

ся, преподобне, / избавитися нам находящих зол, и бед, и скорбей, / и вечных мучений в день Судный.

Слава, глас тойже:

Преподобне отче Космо, / мира красоты и пищи временныя отнюд возненавидев, / монашеское житие паче возлюбил еси, / Ангелом собеседник быти сподобився, / и светильник многосветлый Российския земли, / чудесы, якоже второе солнце, сияя; / но всех нас поминай, совершающих святую память твою, / мы бо чада твоя, / и овцы словесных твоих учений, / и ты на помощь призываем, / просяще тобою прияти мир и велию милость.

И ныне, Богородичен: Безневестная Дево:

На стиховне стихиры, глас 4.

Подобен: Дал еси знамение:

Житие твоё нескверно, блаженне, / терпение и кротость, и любовь нелицемерну, / воздержание безмерно, стояние всеночное, / умиление Божественно, / веру, надежду и милование, отче, стяжав, / яко Ангел пожил еси с плотию на земли, Космо преподобне, / молитвенниче о душах наших.

Стих: Честна пред Господем / смерть преподобных Его.

Земный Ангел и Небесный человек был еси, преподобне, / источник умиления, милования струя, / пучина чудес, грешником споручник, / маслина воистинну Божия плодовита, / трудов твоих утиши лица, Космо всечудне, / верно восхваляющих тя.

Стих: Блажен муж, бойся Господа, / в заповедех Его восхощет зело.

Ум твой просвещаем Божественными разумы, / телесных страстей превыше бысть непремешен, / земных нося начертания, / изображая в себе Божественную доброту / и познаваем весь Боговиден действием Святаго Духа, / Космо отче наш, / иноков украшение.

Слава, глас 6:

Преподобне отче, / во всю землю изыде вещание исправлений твоих, / темже на Небесех обрет мзду дел твоих, / бесовския погубил еси полчища, / и Ангельския достигл еси чины, / ихже житию без

порóка поревновáл еси, / дерзновéние имéя ко Христу Богу / мир испросí душáм нашим.

И ныне, Богородичен: Творец и Избáвитель:

Тропáрь, глас 4:

Гóрняго желáя премíрнаго житиá, / дóльняя возненавíдел еси, / и, взем крест свой, последовал еси Христу, / и в пустыню вселíлся еси, досточúдне, / в ней подвизáся в пéниих, в бдéниих и пощéниих. / Темже в тя вселíся Пресвятýй Дух, / но яко имéя дерзновéние ко Христу Богу, / испросí людем правослáвным здравие и спасéние / и не забúди посещáя чад своих, / совершáющих свящénную пáмять твою, / Кóсмó, преподóбне отче наш.

Слава, и ныне, Богородичен.

НА УТРЕНИ

По 1-м стихослóвию седáлен, глас 1.

Подóбен: Гроб Твой:

Яко сóлнце свéтлое, возсиявши, отче, пáмять твоя, / вёрных сердца просвещáет, страстéй тьму отгоняющи; / веру же и чистотú творящая, / покрýй и сохрани от искушéний житéйских нас, отче Кóсмó блажéнный.

Слáва, и ныне, Богородичен:

Безневéстная Чíстая Богородице Дево, / Едíна вёрным Предстáтельница и покрóве, / бед, и скорбéй, и лóтых обстояний избáви, / иже на Тя надéжду, Отроковице, имúщих, / и дúши наша спасí Божéственными Твоими молíтвами.

По 2-м стихослóвию седáлен, глас 3.

Подобен: Красотé девства:

Ко Гóсподу имéя очи сердéчныя, / вся, иже на земли, оста́вил еси, / и мнóгими труды твоими свое житиé изьяснív, / и паче всякия добрóты обитель показáся, / во псалмéх и пéснях Гóсподеви поюще, / моли спастíся душáм нашим.

Слáва, и ныне, Богородичен:

Небéсная веселяхуся и земнáя с трéпетом ужасáхуся, / егда пречíстый глас найде на Тя, Богородице, / едíно бо торжество обоим возсия, / егда Безплóтный рáдость Тебе принесé. / Темже со Ангелом Тебе вопиём: / рáдуйся, Обрадованная.

По полиелѣи седáлен, глас 4:

Возсия́ пáмьятъ твоя, яко со́лнце блиста́ющи заря́ми, / міру тво́ими чудесы́, преподо́бне Космо́, / светно́сче блаже́нне, по́стником похвало́ / и гра́ду Влади́миру вели́кое заступле́ние.

Сла́ва, и ны́не, Богоро́дичен:

Под кров Твой, Пречи́стая Де́во, прибега́ющих / мольбу́ принеси́ о нас Человеколю́бцу Христу́ Бо́гу, / спаси́ся рабо́м Тво́им.

Степе́нна, 1-й антифо́н 4-го гласа. Прокі́мен: Честна пред Го́сподем: Стих: Что возда́м: Ева́н- гелие от Матфе́я, зачало 43.

По 50-м псалме́ стихи́ра, глас 6:

Ева́нгельски Бога возлю́бил еси, / к Нему́ добро- де́тельницами прибли́жися, / Го́рних желáя, / до́ндеже, блаже́нне, в безконéчной жи́зни / Божéственным рачéнием всели́лся еси: / но моли́ся, преподо́бне отче Космо́, Христу́ Бо́гу, / подáти побéды на враги́ странé на́шей / и изба́вити вся́каго обстоя́ния / иже ве́рою соверша́ющих пречестну́ю и святу́ю пáмьятъ твою́.

Кано́н Богоро́дице со ирмосом на 6 и преподо́б- ному Косме́, творéние смире́ннаго Григория, ему́- же краегранéсие сице: От недосто́инства моего́ приноша́ю ти моле́бныя пéсни, блаже́нне. Глас 8.

Песнь 1

Ирмо́с: Пои́м Бо́гу / от го́рькия рабо́ты фарао́но- вы изба́вльшему Изра́иля, / и о́гненным столпо́м и светлым о́блаком наста́вльшему, / яко просла́вися.

Яко безплóтен, блаже́нне, на земли пожив, / и ны́не на Небеси́ с ли́ки преподо́бных счетава́яся, / с ними же ра́дуяся, поминай нас, чту́щих тя верно.

Сою́зом грехо́вным помраче́нное се́рдце мое, просвети́, блаженне Космо́, / те́плыми твоими ко Вла́дыце молитвами.

Умо́м очи́щенным Бо́гови порабóтился еси, бла- же́нне, / целомудрием телéсным и чистото́ю душу твою́ просветил еси.

Богоро́дичен: Прему́дрость и Слово́ О́тчее не- сказа́нно ро́ждшая, / души́ моея́ лю́тую исцели́ язву́ и се́рдéчную украти́ болезнь.

Песнь 3

Ирмос: Ты еси утверждѣние / притекающих к Тебе, Господи, / Ты еси свет омраченнѣх, / и поет Тя дух мой.

Духом разжженъ быв, отче, / труды подъял еси, яко безплотен, / возвысився смиреніем, верхі бесовскія смирил еси, всечестне, / слава иноком и утверждѣние.

По узкому пути ходил еси Божественными восхождѣнии, / пространнаго же пути от юности удаляясь / и невидимаго, отче, змия смирил еси, смиреніем ограждься.

Молѣбный глас мой услыши, отче преблаженный, / и не забуди раба твоего, / воспевающего честныя твоя подвиги.

Богородичен: Устави неуставное помышлѣние, Чистая Мати Божія, / Сыну Своему молящися, / и направи смущенна движѣния сердца моего.

Седален, глас 8:

Разума твердостію украшаяся, преподобне, / плотскія тягости отверг, змиеву гордыню поправил еси / и обителище избранно был еси Пресвятому Духу, / неуклонным разумом поработился еси Христу Богу, всеблаженне Космо, / Того моли грехов оставлѣние даровати / чтущим любовію святую память твою.

Слава, и ныне, Богородичен:

Яко Деву и Едину в женах Тя без семене рождшую Бога плотию, / вси ублажаем роди челоуѣчестіи, / Огнь бо вселіся в Тя Божества, / и яко Младенца дойши Зиждителя и Господа. / Тем Ангельскій и челоуѣческій род, / достойно славим пресвятое рождество Твое и согласно вопіем Ти: / моли Христа Бога, согрешений оставлѣние даровати / поклоняющимся верою пресвятому Рождеству Твоему. **Песнь 4**

Ирмос: Всел еси на кони, апостолы Твоя, Господи, / и приял еси рукама Твоима узды их, / и спасѣние бысть еждѣние Твое, / верно поющим: / слава силе Твоей, Господи.

Всел еси на коня, / в путѣх правых неуклонно шествовал еси, / достигл еси, блаженне, широты райскія / и постническим ликом счтался еси.

В пустыню Божественным мановением представляем, преподобне, / желанием вселился еси и в ней подвизался еси крепкими подвиги и пощением, / монашествующим показался еси верх и основание / и научи вопити: / слава силе Твоей, Господи.

Храм Господеви Боголепен воздвигл еси, / и Того Родившей именовал еси, по образу явльшемуся тебе свыше: / в немже и славятся присно честныя твоя подвиги, Космо всеблаженне.

Богородичен: Радуйся, Владычице Дево, / церквам еси красото, православным похвало и державо; / непрестанно молися, Богородице, Сыну Твоему, / сохранить Церковь Святую и люди православныя от всякаго обстояния.

Песнь 5

Ирмос: Просвети нас повелении Твоими, Господи, / и мщцею Твоею высокою, / Твой мир подаждь нам, / Человеколюбче.

Просвещаем ум твой Божественными разумы, / телесных страстей превъше быв непремешен, / земным нося начертание, блаженне.

Отче преблаженный, не забуди посещая чад своих, / совершающих честную память твою, / яко да молитвами твоими избудем от всякия нужды.

Ночь греховная покрыла мя есть, отче, / но озари мя покаянием, преподобне, / яко да омыю скверну от окаянных моя душа.

Богородичен: Всесветлым украшена светом, Богорадованная Мати, / Ты бо породила честнейши всех Христа Бога нашего, / Егоже моли, да избавит ны от всяких напастей.

Песнь 6

Ирмос: Ризу мне подаждь светлу, / одейся Светом, яко ризою, / Многомилостиве, Христе Боже наш.

Маслина воистинну Божия плодовита, ты был еси, преподобне; / елеем трудов твоих утиши лица, Космо всечудный, / верно хвалящих тя.

Земный Ангел и Небесный человек был еси, преподобне, / источник умиления, милования струя и пучина чудесем.

Слёзными потоки и по́стными по́ты / у́гля
сла́дости погаси́л еси, преподо́бне, / и в чудесе́х,
сла́вна ты показа́ Господь, Космо́ блаже́нне, / и
украси́ ты Вы́шними дарова́нии.

Богорóдичен: Прокля́тся смерть Тобою / и а́дово
жа́ло притупи́ся, Мати Чистая, / Ты бо Безсме́рт-
наго Влады́ку Христа плóтию родила́ еси.

Конда́к, глас 8.

Подóбен: Взбра́нной:

Душе́вныя стра́сти из ко́рене исторгáя, / в
пусты́ню всели́лся еси, преподо́бне, / и небо-
ле́зненную жизнь в боле́знях восприя́л еси, / боле́з-
нем же лю́тым уставля́еши озлобле́ния прося́щим у
тебе с ве́рою. / Темже разреши́ боле́зни наша
душе́вныя и телесныя, да зове́м ти: / раду́йся,
Космо́ Богому́дре.

И́кос:

Покая́ния двери отве́рзи ми, всеблаже́нне, / да
омыю скве́рну от ока́янных моея́ души / и тела
моего́ вся чу́вства очисти́, / да любо́вию зову́ ти
благодарственная: / раду́йся, по́стником удобре́-
ние и иже сам собою́ образ показáвший; / раду́йся,
исто́чнице пресла́дкий, иже напо́яя верных
сердца́ учéнии; / раду́йся, иже но́чь нашего́ нера-
зу́мия отгоня́ющи смиренному́дрым учéнием; / ра-
ду́йся, словес твоих благода́ть теплотá бысть
мно́гим Божéственному́ восхожде́нию; / раду́йся,
прелю́бимая весна́, израща́ющая всем Божéствен-
ную любовь; / раду́йся, прекра́сный крине́, иже
любо́вным взоро́м всех ко Христу́ влекий; / раду́й-
ся, измени́вый вре́менная, ве́чными; / раду́йся, еже
возжелé, то и соверши́; / раду́йся, ве́рным по Бозе
извёстная наде́жда; / раду́йся, се́рдца моего́ ко
Господу́ пригвожде́ние моли́твою день и но́чь; / ра-
ду́йся, кра́сное добродéтели храни́лище; / ра-
ду́йся, пасты́реначальни́че словесных овец; / ра-
ду́йся, граду́ Влади́миру похвало́, / всем притека́-
ющим покров и заступле́ние; / раду́йся, Космо́
Богому́дре.

Песнь 7

Ирмо́с: А́нгелом о́троки из огня́ спасый / и
гремя́щую печь преложивый на рóсу, / благосло-
ве́н еси, Боже́ отец наших.

Ангельским житием, блаженне, пожил еси, / труды плодов своих умножил еси, / и процвел еси Давидски, якоже финикс, воспевая: / благословен еси, Господи, Боже отец наших.

Восхваляем тя, отче Космо, блаженный, / ты же моли в памяти твоей Христа Бога, / лукавства сатанина избавити нас, воспевающих, / благословен еси, Господи, Боже отец наших.

Безпутием заблужденнаго / и зимою греховною оляденевшаго мя согрей, Космо преподобне, / и научи вопити: / благословен еси, Господи, Боже отец наших.

Богородичен: Прияла еси воистинну Божественное Слово во чрево Твое, / и Сего паче естества, Пречистая, родила еси. / Егоже моли избавити от бед рабы Твоя, вопиющая: / благословен еси, Боже отец наших.

Песнь 8

Ирмос: От Отца прежде век Рожденнаго / и от Матере в последняя воплощеннаго, / священницы, благословите, / людие, превозносите во вся веки.

Инок истинен был еси, пространнаго пути удаляясь, / широты райския достигл еси / и тамо древу животному причащаешься, радуясь, во веки.

Дом душевный добродетелей был еси, / и правости правило, Космо пречудный, исправил еси / и ныне будущих благ древу животному причащаешься, радуясь, во веки.

Ликом преподобных сочетался еси, / и постническим житием украсился еси, Космо преподобне, / ныне рай пици древу животному причащаешься, радуясь во веки.

Богородичен: Под летом бывши, / Иже от Отца безлетно возсиявшаго, Богомати, нам родила еси, / Егоже моли спасти поющая Тя во веки.

Песнь 9

Ирмос: Чистую славно почитим, людие, Богородицу, / Огнь Божества приемшую во чреве неопально, / песнями величаем.

Чистое и красное хранилище добродетелей был еси, Космо блаженный: / сего ради яко молитвен-

ника тёпла о нас ко Господу прѣсно предлагáем / и непрестáнно ты ублажáем.

От сѣрдца болезнь, от очию слезы, / от души покаяние, приими, преподóбне! / и ко Господу тёпле принеси, / яко да непрестáнно ты ублажáем.

Всечѣстне Космó! / Сохрани певцы твоя невидимо, отче, / сілою молѣтв твоих ко Владѣще, / яко да непрестáнно ты величáем.

Богородичен: Ангели и Архángели, прорóцы и апóстоли / и весь лик преподóбных; с преблажѣнным Космóю ко Христу прилѣжно с Пречѣстною Его Мáтерию за весь мир молѣтесе, / яко да непрестáнно вас восхваля́ем.

Светѣлен:

Прослáви ты Господь в чудесѣх, всеблажѣнный Космó, / и преста́вил ты есть от тли на безсмѣртие, Своего угóдника, / сегó рáди память твою верно восхваля́ем.

Слáва, и ны́не, Богородичен:

Тя пѣсньми немóлчными ублажáем, Дево, / иже от Трóицы Едѣнаго родила́ еси, Богородице, / и но́сиши на Божѣственную Твоею руку́ Пребогáтое Слово, / Егоже пѣсньми немóлчно величáем.

На хвалѣтех стихѣры, глас 5:

Богомúдре отче, всеблажѣнный Космó, / пóстником ты был еси похвалó, / мѣра красоты́ отню́д возненавѣдев, / от юности Бога возлюбѣл еси, / и тѣсный путь шѣствовал еси ѣноческаго житѣя, / пресвѣтлый светѣльниче, / и всем вѣрным теплый заступниче, / мо́лися ко Гóсподу да спасѣт дýши наша.

Богомúдре óтче, / душу твою с телом от страстѣй очѣстив, / Святому́ Духу прекрасная обѣтель явился еси, / Тóйже слáвна ты показá концѣм, преблажѣнне Космó, / содела в чудесѣх велика светѣльника, / просвещáющаго во мра́це сýщия, / темже яко наставника ты ѣноком и всем вѣрным, / сошѣдшесе, велемúдренно ублажáем.

Глас 6:

Любóвию Христóвою, Богомúдре, просвещáем, / душетлѣнныя стра́сти победѣв, всеблажѣнный Космó, / в дóбрых пóдвизех усѣрдствуя, / подвизáл-

ся еси крѣпко на невидимаго врага / и того кóзней,
блаженне, избеже, / в премірная селѣния достигл
еси, / и тамо с лики преподобных водворяяся, / с
ними же яко имѣя дерзновѣние ко Христу, / мир
испроси душам нашим.

Глас 2:

Приидите, монахов множества, / в память отца
нашего соберитесь, / обстояще любезно честную
его и многоценную раку, / радостно лик составим
днесь, / и молебнó возопиѣм ему: / преподобне отче
наш Космó, / предстоя Христу Богу нашему / и
Пречистой Его Матери, / молися о собранном
твоем стаде, / избавитися нам от всех наветов
вражиих, / и умиритися миру, и спастися душам
нашим.

Слава, глас 8:

Днесь благовернии Христороссийстии народи, /
благочестивии православнии Владимирстии собо-
ри, / усердно в дом Спасителя нашего Бога при-
идите, / умильтельно предстателю нашему возо-
пийте: / о пресветлый мира светильниче / и теплый
Христа Бога молебниче, / Космó отче наш священ-
ный, / благодати Духа Святаго исполненный, /
предстояй Престолу Царя Небеснаго / и ясно зря
славу Божества Его, / призри на смиренныя рабы
твоя, / усердно днесь молящия тя, / к тебе бо рuce
простираем / и тебе на помощь призываем, / к
чудотворным твоим мощем припадающе / и святой
твой образ любезно целующе, / отеческому твоему
милосердию поклоняемся, / и радостными сердца
прилежно ти молимся, / моли, преблаженне, Жи-
вотворящую Троицу / и Владычицу нашу Пречи-
стую Богородицу / ущедрити и спасти верно Тя
воспевающих / и память твою, святе, светло совер-
шающих, / да и мы, тобою избавльшеся адских
мучений, / сподобимся у Господа во веки Небес-
ных селений.

И ныне, Богородичен: Владычице, прими:

**По сем славословие великое, час первый и
отпуст.**


НА ЛИТУРГИИ

Служба преподобническая.

Преподобный Косма Яхромский жил в XV веке. Мирское имя преподобного Космы неизвестно. Его отец — обедневший боярин — был вынужден отдать его в детстве на службу соседнему землевладельцу Секерину, жившему в сорока верстах от г. Владимира.

Секерин был благочестивым человеком и заботился об образовании и духовном воспитании бывшего у него в услужении отрока. Во время продолжительной болезни своего господина его юный служитель утешал его чтением книг. Ради излечения Секерин предпринял путешествие, взяв с собою и отрока. По дороге они остановились в лесу, на ручье Яхроме. Больной уснул. Внезапно яркий свет осветил всю местность, и таинственный голос произнес: «Внимай, Косма, и разумей глаголы жизни, яви житие Богоугодное, возжелай радости праведных, да получишь Вечные блага!». И отрок увидел на дереве икону Успения Божией Матери, сиявшую дивным Светом. Он взял святую икону и приложил ее к больному месту своего господина, который тут же проснулся исцеленным.

Вскоре служба святого Космы окончилась. Повинуясь тому же таинственному голосу, повелевшему ему оставить мир ради Бога, святой Косма удалился в Киево-Печерский монастырь, где принял постриг. Прожив там некоторое время, он удивил своей подвижнической жизнью самых опытных старцев. По повелению явившегося ему во сне Ангела преподобный Косма вернулся с иконой Божией Матери на то место, где Она явилась ему, на Яхрому. Здесь преподобный Косма при помощи добрых христиан построил храм в честь Успения Божией Матери. К нему стали собираться братья, и вскоре преподобный Косма стал игуменом основанно-



го им монастыря. С особой любовью принимал преподобный Косма и посещал больных, и странников, и пришельцев, видя в лице их Самого Христа. Облагодатствованный Духом Святым, он в особенности умел умягчать злые сердца и вызывать покаянные слезы у закоренелых грешников, обращая их ко спасению.

Слава об иноческих подвигах преподобного Космы доходила в те времена также до великого князя. Преподобный Косма дожил до глубокой старости и скончался 18 февраля 1492 года. Мощи святого Космы почивали в основанной им обители под спудом. Житие преподобного описано было иноком Спасо-Евфимиевского монастыря Григорием, а потом распространено игуменом Варлаамом.